

cogitare: Nec enim ipsi sacrilegi & detestandi qui perversa & falsa de D E O sentiunt, ausi sunt dicere non est D E U S: ubi nota in scripturâ sacrâ phrases *loqui ad cor, vel super cor, vel in corde*, esse vel blandè sive suaviter alloqui & consolari, vel animo aliquid volvere sive cogitare. Prioris exempla sunt *Gen. 34. v. 3.* locutus est Sichem ad cor puellæ *Gen. 50. v. 22.* locutus est ad coreorum, *Esai. 40. v. 2.* loquimini ad cor Ierusalem: Posterioris hic, *v. 1.* & *Psal. 15. v. 3.* Qui loquitur veritatem in corde suo.

§. 4. NON EST DEUS. Mimesis: Sed *inquias*; an ergo impii nihil prorsus de D E O sciunt. &c. Imò, τὸ γινώσκοντες θεῶν cognitiū est illis *Rom. 1. v. 19.* sed cū cognovissent DEUM nō sicut Deū glorificaverunt aut grati fuerunt, sed stulti facti sunt in cogitationibus suis & mutaverunt gloriam incorruptibilis D E I &c. *ibid. v. 20.* & *seqq.* Bernhard. *serm. 30. ex parv.* hoc ait nescire & in corde quoque negare, qui nec Deum putat justum nec pium: Atq; hinc exorta est disputatio illa Scholasticorum: *Vtrum per se sit notum, quod Deus sit.* Deinde nihil sciunt impii & Ethnici de D E O ratione notitiæ salvificæ, *Galat. 4. vers. 8. 1.* *Thess. 4 v. 5.* *Actor. 17. v. 23.*

§. 5. *Corrupti sunt*, Chrysostronus intelligit corruptionem idololatriæ, & *abominabiles facti sunt*, tanquam morbida, putrida & putida cadavera, quæ abominationis Metaphora in scriptura sacra frequens est. Dicunt enim idolorum cultores abominabiles, *Os. 9. v. 10.* & idola ipsa abominatio, *Deut. 7. v. 25.* & *26. v. 12. 31. cap. 13. v. 41. c. 27. v. 15.* *Ezech. 8. v. 6.* & *seqq.* *Daniel. 9. v. 27.* & *11. v. 31.* sic omnes perversi mores & vitia dicuntur abominationes & abominationes gentium *Levit. 18. v. 22. 26. 29.* *Deut. 17. v. 1.* *Hiob. 11. v. 20.* *Proverb. 15. v. 9.* & *16. v. 5.* & *passim.*

§. 6. *In studiis suis*, hoc est, ut *Hiob cap. 34. v. 27.* dicitur, quasi industriâ recesserunt à D E O, & vias ejus intelligere noluerunt